


Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo



n/r predsjedavajućeg Skupštine Kantona Sarajevo ✓

Uputiti: Zavod zdravstvenog osiguranja Kantona Sarajevo i Ministarstvu zdravstva Kantona Sarajevo

PREDMET: Zastupničko pitanje

Poštovani,

U skladu sa Poslovníkom Skupštine KS, upućujem zastupničko pitanje koje se odnosi isključivo na specijalizacije čije se finansiranje vrši iz sredstava Zavoda zdravstvenog osiguranja Kantona Sarajevo. Prema dostupnim informacijama, planirano je finansiranje ukupno 308 specijalizacija, za šta su predviđena sredstva u iznosu od 15.948.046 KM, i to: za nastavak ranije započetih specijalizacija: 5.331.177 KM, i za nove specijalizacije koje još nisu započele: 10.616.870 KM.

Cijeneći visinu izdvojenih javnih sredstava, kao i značaj koji specijalistički kadar ima za funkcionisanje zdravstvenog sistema, molim da se dostave odgovori na sljedeća pitanja:

1. Na osnovu kojih zakonskih i podzakonskih propisa ZZO KS finansira specijalizacije? Molim da se precizno navede pravni osnov i odluke upravljačkih struktura Zavoda.
2. Koji su kriteriji i parametri korišteni prilikom odabira specijalizacija koje će biti finansirane sredstvima ZZO?
3. Da li su uzimane u obzir potrebe zdravstvenih ustanova, deficitarnost određenih grana, starosna struktura kadra, liste čekanja i projekcije budućih potreba?
4. Imajući u vidu da je ranija praksa bila dominantno usmjerena na deficitarne grane, šta je razlog da se sada finansira znatno širi spektar specijalizacija?
5. Ko donosi konačnu odluku o tome koje specijalizacije će finansirati ZZO, te da li postoji bodovni ili rang sistem?
6. Da li ZZO vodi jedinstveni registar svih specijalizacija koje finansira, sa podacima kao: imenu specijalizanta, zdravstvenoj ustanovi, vrsti specijalizacije, ukupnom trošku, obavezama po završetku specijalizacije? Ako takav registar postoji, molim da se navede gdje je dostupan.
7. Na koji način ZZO štiti ulaganje javnih sredstava nakon završetka specijalizacije, to jest da li postoje ugovorne obaveze da specijalista ostane raditi u javnom zdravstvenom sistemu Kantona Sarajevo određeni period?
8. Može li se, bez jasnih mehanizama zadržavanja, smatrati da se javnim sredstvima finansira edukacija kadra koji nakon toga može napustiti javni sistem zdravstvene zaštite?

Obrazloženje: Finansiranje specijalizacija iz sredstava obaveznog zdravstvenog osiguranja predstavlja značajnu investiciju građana Kantona Sarajevo. Upravljanje tim procesom mora biti zasnovano na jasnim kriterijima, preciznim evidencijama i mehanizmima koji garantuju da će koristi od uložених sredstava ostati u javnom zdravstvenom sistemu. Cilj ovog pitanja jeste unapređenje planiranja i dugoročne stabilnosti zdravstvene zaštite, a ne dovođenje u pitanje prava zdravstvenih radnika. Molim da se odgovori dostave u zakonom predviđenom roku, uz relevantne akte i podatke.

S poštovanjem,

Sebija Izetbegović, zastupnica Skupštini Kantona Sarajevo

